

自在情理之中頗聞因此大生惡感時加醜詆甚且斥爲迂頑當衆嗤笑竊以爲大
非幼輩侍上之禮也。至於守拙兄閉戶潛修篤守禮法自不能與遠涉重洋飽吸
新鮮空氣者相提並論輒加白眼頻施誚讓亦豈夫婦相敬如賓之道耶？至望
循禮守分敬老親仁不使家庭有勃谿之聲則和氣致祥乃前途莫大之幸福也。掬
誠馳告企予望之專頌

侍祺。

其業手啓一月廿八日

四 嘉獎類

◎嘉獎努力勦匪

鳴岐團長勦鑿閱報悉戴家山一帶匪衆日在

大軍搜勦之中偵察既勤撲擊尤力良用嘉慰贛北一帶之匪其勢本極微弱因搜

勦不嚴，遂致日漸滋蔓。[○]

執事能注意及此，誠正本清源之道也。以其餘暇，勤加操練，並督率部隊翦除荆榛，修築道路，變磊砢[○]爲康莊[○]，功德在民，地方攸賴，甚盛甚盛，尙祈始終如一，克奏膚功，不勝企禱之至。專肅順頌。

凱祺。

彭鶴齡敬啓 一月廿八日

○滋蔓左傳「無使滋蔓，蔓難圖也。」喻人之權勢愈大，則圖之愈難。

○磊砢參差不齊貌，王延壽賦「磊砢相扶。」

○康莊爾雅「五達爲之康，六達爲

之莊，一言道路四通也。•

○嘉獎區長被擄脫險

雨亭區長執事：日前匪擾沙河，

執事披翼，甚爲驚愕，旋聞脫險，則又欣然，頃悉

執事竟能履險如夷耶？且手無寸鐵，力僅縛雞，乃憑三寸之舌，使其革面洗心，藏鋒就範。古人有言：一紙書賢於十萬師。[○]

執事並不假書之力，其神威殆又過之。聞長君被擄，不數日亦脫紲歸來，殆所謂吉人自有天相耶？務乞

執事抖擻[○]精神，勿萌退志，重整旗鼓，造福桑梓，臨穎曷勝翹跂之至。專肅祇頌
勳綏

諸念椿敬啓二月七日

○十萬師漢文帝賜南粵王佗書，遂不用兵，故云。○抖擣奮舉貌，猶言振作也。

◎嘉獎拒收賄賂

季忻仁兄執事孟姓，一案歷時已久，尙未解決，而市井[○]不察，飛短流長[○]，頗致疑於

足下，弟固不敢置信，頃聞有輦重金投門下求彌縫者，竟被峻拒。^③嗣經詳查細鞫，案乃大白，輿論翕然。^④始知公道自在人心，而流言之不足爲患也，廉潔誠屬美德，尤爲服務社會者必須履行之條件，蓋廉則明，明則公，公則當矣，

足下能身體力行，保持勿失，大足挽頽風而振士習，地方前途實利賴之。專此，祇頤公綏。

郭景璐謹啓 三月十七日

①市井 古無市，於朝汲時依井而市，故名市井，見史記。^②飛短流長 謂播散誹謗。^③峻拒 卽堅拒。^④輿論翕然 輿論

公衆之言，翕然，謂帖服也。

◎嘉獎安貧樂道

先生仍正襟危坐充耳不聞聚三五門人高吟詠貧士詩爲之反復講解此何等襟懷也不圖斯世尙見斯人敬仰無已方今俗尙奢侈士趨紛華奔走形勢之途弋功名獵富貴以驕其妻妾以遺其子孫誰復肯勤勤懇懇與飢腸相奮鬪日向故紙堆中討生活耶今

先生提倡於上羣秀景從於下濁世清流矯然不羣世有禮賢下士者均當訪求於君子之門矣斯文斯道何幸如之專此敬請

教安。

弟王啓文謹上八月廿五日

○詠貧士詩陶淵明作

○故紙堆喻研究古代典籍也

○景從謂如影之隨形也，賈誼過秦論天下雲合響應，贏糧而景從。

戊 邀約門

一 約遊類

◎約遊莫愁湖

靜芬吾姊大鑒前奉

手書，以遊采石磯。相約，適新病初起，未能冒風，遂致失陪，至今耿耿。日前家母來京，擬盤桓月餘，遍覽名勝，明日星期，如天不雨，當作莫愁湖之遊，此湖歷史甚古，名字亦妍，妹旅京兩年，僅遊一次，遙憶坐勝碁樓中，清風拂拂，綠波鱗鱗，而一片芙蕖，遠香撲鼻，真足使人心曠神怡也，妹固夙種愁根，吾

右下頁乞諒決之取，盍同向莫愁君一討忘憂法耶？專此奉約，幸勿

○采石磯安徽當塗縣西北有牛渚山，其山下突入江處，謂之采石磯，爲歷代用兵重鎮。

○莫愁湖在江蘇江寧縣三山門外。

○姍姍漢書立選行貌，

而望之，何姍姍其來遲。」

◎約遊中央公園

石舫先生大鑒自

琴從蒞平，天苦積雨，弟以事羈，未能陪同談讌，悵何如也，刻幸已放晴，風物妍麗，擬奉約往中央公園，作竟日之燕息，此園地點適中，規模闊壯，雖不無富貴之氣，而雅擅幽勝之觀，來今雨軒則極其明敞，唐花塢則極其深幽，八柱亭則極其雄峻，尤以古柏一林皆千百年前物，濃蔭蔽天，日光不見，憩息其下，清風徐來，飄然有出世絕俗之想，吾

兄吟興甚豪，此間詩料殆隨手可得也，特此奉約，順頌

吟安。

弟季美手啓八月五日

◎約遊廬山

秋颯我兄左右頃聞

台端自粵歸來，已逾一月，久遊宦海，暫息征車，甚善甚盛。弟厭惡塵俗，終日閉門，邇來天氣酷熱，揮汗成雨，因念廬山古蹟之多，泉石之勝，殊思一遊，以消盛暑，足下倘有意乎？此山奇秀冠絕東南，歐美之人爭相游歷，蓋千巖萬壑，陰晴雲雨，朝夕變幻，蔚爲大觀，尤以高聳雲霄，氣候涼爽，溽暑六月，輕風吹衣，如四月天氣，有古木參天，有瀑布瀉地，涼沁心脾，暑氣全消，盍結伴前往作一二月之盤桓乎？吾兄是否同意，尙希示知爲荷！此頌

示知爲荷！此頌

光緒三十三年七月廿二日

建中吾兄道鑒日來適值秋晴，天高氣爽，蠟屐①看山，正此時也。頃星若司令擬於二十日赴海會②，巡視部隊，並約同丹揆廳長參觀軍官訓練團之設備，囑弟陪同前往，因憶吾

兄常言鹿洞③爲舊遊之地，十年不到，恆結夢思，查鹿洞距海會甚近，無妨任彼輩暫息征驂，我等相偕前往，約可作一小時之盤桓，瞻遺象，聽流泉，摩壁間石搨，尋廊下題詠，恍如在廿年前歌詠中也，如

願偕遊，請屆期先至蔭園，以便同乘汽車出東門遵九星路④前往，特此奉約，敬候起居。

弟念祖手啓 九月十五日

① 蠟屐 「阮孚性好屐，有詣阮，正見自蠟屐」見晉書，謂以蠟潤屐使光澤也。 ② 海會 廬山四大叢林之一，在五老峯下。 ③ 白鹿洞 在廬山五老峯下，

唐李渤與兄涉讀書廬山，常畜一白鹿自隨，因以名洞，宋時建白鹿洞書院，朱晦庵講學於此，明清兩代，皆建書院以課士。 ④ 九星路 九江至星子公路

◎約遊西湖

志超吾弟大鑒春寒料峭，風雨惱人，今朝忽放光明，漸識清和天氣。頃有人從武林
來，謂湖上風景清麗，羣賢畢至，遊覽之念，不覺怦然，蓋西湖之勝，固不僅山水之
佳，足資欣賞，若風雨亭，[○]若武穆祠，偶一憑弔，則思潮鼓盪，胸襟豁然，兄七年不到，

常繫夢魂，吾

弟評量山水，必首稱六橋三竺之勝，[○]可謂兩人趨向，不約而同，兄擬下星期日出
遊，想吾

弟必惠然顧我，攜手偕行也，前人詩云：若把西湖比西子，淡粧濃抹總相宜，遊佳山
水如對佳人，試一讀此詩，知必勃然興色然喜矣，

尊意以爲何如？並希

大安

鼎銓手啓三月十日

○武林山名，在浙江杭縣西十五里，即靈隱山也，今通稱杭州爲武林。○

○風雨亭爲紀念秋瑾女土之建築品。○

○六橋三竺六橋在西湖蘇堤之上，宋蘇

軾建，三竺，卽上天竺中天竺下天竺是也。○天竺

◎約友登高

浩然吾兄大鑒宦海浮沈，與時俛仰，亦自笑其無聊也，聞

兄深居合覺園○中時則誦經，時則坐禪，望之眞如天上人矣，甚佩甚愧。下星期日適爲重九，弟擬偷半日閒，邀

兄一登揖廬亭，○雖重九登高徒襲古人陳迹，但秋高氣爽，縱目登臨，自可稍舒胸中鬱積之氣，此亭位胭脂山頂，爲城中第一高處，內瞰南湖，外眺大江，全城歷歷在目，吾

兄盍暫出山門，破例一遊乎？時局多艱，聊以遣興，幸勿

動悲天閔人之懷，而有萬多方多難之感，斯不負消閒遣悶之意耳，屆期幸勿他往，弟

當詣

府奉邀，此頤

秋安。

弟頤年手書十月三日

○合覺園

在九江岳師門內。

○揖廬亭

在九江胭脂山頂。

◎約參觀飛機場

棠蔭學姊青鑒：十日曾無一日晴，陰霾宿霧最愁人，終日閉門，面壁坐困，知吾

姊有同感也。天忽放晴，心胸頓闊。此間新築飛機場在久興紗廠附近，聞估計經費十餘萬，需工四萬人，蓋鉅大工程也，民工由各縣徵調而來，或爲黃童，或爲白叟，男女妍媸，各異其趣，萬頭攢動，蟻聚蜂屯，盍聯袂偕遊一擴眼界乎？紗廠密邇，亦可乘更參觀，春夏之交，草地芊綿，濃綠如染，足爲怡神養性之助，祈吾

奶奶定日期奶奶當詣府奉邀偕行也專候

近安。

妹一梅手上四月十日

○芋縣賦草木蕃衍貌，謝靈運賦「長洲芋縣。」

◎約參觀防空演習

憲文先生大鑒風雲日急，國難方殷，

先生滿腔熱烈，雖身在江湖，而心繫家國，甚可佩也。世界文明日進，殺人器械益精，由水陸戰爭，變而爲空中戰爭，故擴張空防，爲今日切要之圖，防空演習則所以灌輸民衆對於防空必具之常識也。頃聞此項演習定於十日舉行，計分交通管制、

燈火管制及消防預備諸種，屆時請

惠臨敝署，以便同往參觀，奉上通行證一枚，並希 詒收爲荷。專頌

台安。

弟曾省三敬啓十月五日

①交通管制 即斷絕交通或
加限制也。

②燈火管制 即全市息燈，避
免敵機轟炸也。

③消防預備 即遇敵機轟炸燃燒，
實施撲滅運動也。

二 召集類

◎召集家屬懇親會

紹堂家長先生台鑒，敬啓者：敝校自創設至今，忽忽已屆十年，承遠近學子紛紛負
笈而來，在社會上幸獲薄譽者，皆

先生等贊助之功也。查學校與家庭非力求接近，不足以謀親善而資聯絡，茲特定
於本月十七日下午二時開十週紀念會時附開家屬懇親會，所望

各家長準時蒞臨，參觀學生成績，公開批評，切實指導，則敝校受惠無窮矣，並備有
游藝及電影，聊助清娛，佇候

光降，無任榮幸。專此奉訂，順頌

◎召集水災籌賑會議

承熙先生台鑒吾邑不幸，洪水滔天，廬舍漂流，田畝湮沒，鄉人之死於驚濤駭浪中者，尤不知凡幾，種種慘狀，觸目驚心，爰有水災救濟會之組織，茲定於本月七日午後三時假座縣商會禮堂開成立大會，陳列各種被災照片，並推舉代表演述各地水災情形，以便各抒偉見，公同討論，藉解沈淪之厄，而免凍餒之虞，至希撥冗參加，毋任公感。專此奉邀，祇頌

善祺。

弟任新運拜啓七月二日

◎召集籌辦保學會議

惠泉先生台鑒，敬啓者強國之策，教育爲先，清匪之源，保甲是尙，寓教育於保甲之中，於是有保學之創設，政府三令五申，催辦保甲，我輩同斯鄉土，休戚相關，自當

切實推行，熱誠協助，茲訂於十月五日下午四時在縣立民衆教育館召集籌辦保學會議，要在統籌全局，掃除障礙，各負責任，分途進行，雖農村破產，籌款維艱，而所費無多，獲效實大，仍當勉爲其難，限期完成，蓋保學教育不分長幼，不論男女，積漸行之，足以奏掃除文盲之功，而收教育普及之效，夙仰台端提倡教育，不遺餘力，至希

惠然肯來，庶山陬僻壤，聞風興起，保學前途，實利賴之。專此，卽頌
教祺。

弟 祝毅華謹啓 九月卅日

○保學保甲制度每保應設保學一所，分兒童班成人班，男女並收，蓋強迫教育也。

◎召集評定物價會議

思齊先生台鑒：自施行新經濟政策以來，幣價低落，物價高騰，頗足引起誤會，發生

有關，對於投機營利，搗亂金融者，自應從嚴取締，茲定於十月二日上午十時假市府開會，干祈

撥冗參加，公開討論，以維幣制而利民生，無任翹盼。專訂敬頌
公綏。

弟畢奎洪謹啓 九月廿七日

三 宴會類

◎舉行元旦公宴

雨耕先生大鑒：如雷萬爆，^一又入新年，萬戶千門，都呈喜色，我輩寄身逆旅，朝夕從公，或埋頭於几案，或撲面於風塵，未易偷閒，何能雅集，爰於萬象更新之候，大家燕息之時，廣啓歡筵，大開盛會，元月元日，咸集民衆會場，乘新春相見之始，爲一年同樂之辰，或對酒高歌，或停杯起舞，或鼓琴，或賦詩，事無定律，意取自由，要使少壯固

各陶然[○]。高年亦皆莞爾[○]。蓋所以爲慶祝昇平之兆，非徒以博口腹之娛已也。幸各鼓

責臨之勇，勿貽後至之羞，特此奉約，敬祝
新釐。

弟柳汀鷺拜啓十二月卅一日

○如雷萬爆張船山詩「萬爆如雷送除夕。」○陶然陶淵明詩「一醉一陶然。」○莞爾微笑貌，「夫子莞爾而笑曰，割雞焉用牛刀，」見論語。

◎舉行修禊宴集

杏圃學兄有道：春光駘蕩，[○]天氣清和，正古人修禊[○]時也，我輩抗塵走俗，不遑寧處，天涯咫尺，如何如何。[○]弟擬於是日邀集舊游，共爲嘉會，並囑內子治肴數簋，賛酒一壺，令短僮荷之，登北極閣，四望縱眸，飽看春色，草草勞人，偶然得此，亦快心事也，天梵語我各宜攜婦偕遊，蘊老則謂我輩清談雅集，勿近婦人，衆笑以爲迂，談判

儼安

弟項叔耘手上四月八日

○駘蕩景物舒放之貌，謝朓詩「春物方駘蕩。」

○修禊三月上巳，采蘭水上，以祓除不祥，謂之修禊。

◎舉行友聲雅集

渭雲吾兄大鑒：昔蘇東坡有詩云：人生到處知何似，恍似飛鴻踏雪泥。惟其聚散無常，尤貴及時行樂，諒吾

兄亦有同情也。弟在此間，倏忽兩載，友朋不期而集者數十人，或總角交游，或長相過從，各以事牽，我尤碌碌，恆致虛勞。

玉趾，莫接

清輝，良深歎疚。茲擬於四月五日上午九時舉行友聲雅集於棠棣園中，凡屬朋好之儔，都在邀致之列，但憑年德，不論助名，相將偷竟日之間，爲詩酒之會，解除形迹，

盡情放浪，以期稍補蹤迹睽違之憾，尙希
聯袂偕來，共襄盛會，無任企盼之至。專此奉訂，卽頒
公安。

弟周曰庠拜啓 三月廿八日

◎舉行千齡宴

調鼎先生賜鑒國事蜩螗，[○]每懷
耆宿，鄉邦囂雜，篤念

老成，國瑞十年湖海，初返家山，聞
前輩雖有晨星之感，尙多碩果之存，感念之餘，彌深慶幸。茲擬於四月五日正午安
排几席，敬迓

高軒，藉

高軒，藉

羣公之饗饌，○壯此河山，丐

老輩之風流，式茲俊秀，潔樽以待，無任歡迎，敬啟
崇安。

金國瑞謹肅四月一日

○蜩螗極言其喧雜也，如蜩

○饗饌老人輕健貌，「馬援年六十二，尚能披甲上馬，據鞍

顧盼，光武帝笑曰，饗饌哉是翁也，」見後漢書。○鞶

◎舉行勦匪慶功宴

士衡將軍麾下賊匪肆毒，擾攘頻年，調將遣兵，不遑朝夕，吾民困於水深火熱之中者，蓋已久矣。

將軍提一旅之師，長驅直入，所向無前，或望風來歸，或抱頭鼠竄，雖犁庭掃穴，○尙待時機，而捷報頻來，人心漸定，將軍威德，云胡能忘，現經本地各機關組織慶功大會，訂於九月十日假省立五中

大禮堂爲歡宴會場，敢乞光臨，藉慰瞻仰，一以揚

將軍之聲威，一以慰士卒之奮勇，壺漿簞食，聊伸微忱，肅此奉訂，敬頌助安。

徐士傑謹啓 八月廿七日

○犁庭掃穴原爲犁庭掃闥，謂犁平其庭以爲田，掃蕩其閭以爲墟也，見揚雄文，今多作犁庭掃穴。

○壺漿簞食「簞食壺漿」見孟子。迎王師，

己 饋遺門

一 贈書籍類

◎贈四庫全書珍本

子衡吾兄館長道席都門一別倏已三年。昨 蓉姪來知吾

兄息影林泉恬淡自適近受 縣長之聘主持圖書館事整理文獻珍重簡編殊深
佩仰。弟 頻年作客少問鄉事深覺吾邑士氣消沈文風鄙陋競言功利唾棄學問彌
堪危懼適此間有四庫全書[○]珍本之刊行該書係商務印書館依照文淵閣[○]所
儲原書影印流通至足珍貴茲特訂購一部由郵寄上即請藏之縣立圖書館中俾
沈潛古籍者得以先覩爲快也專此敬頌

道安。

弟廖吉珊謹啓六月七日

○四庫全書清乾隆三十七年，開四庫全書館，徵求天下書籍，十餘年而 成，計共三萬六千餘冊，分鈔七部，建七閣以貯之。 ○文淵閣在北平故宮文華殿後

全書一部。
，中藏四庫

◎贈小學生文庫

健生吾兄校長執事前者道出潯陽時辱承

開會歡迎忝爲校董襄助力微良用愧悚比經參觀成績斐然深佩

執事之主持有方也邇來小學兒童好看坊間小說非神怪不經卽鄙俚無謂此實大可注意之事不貴勤加干涉要在善爲勸導而尤以滿足其智識慾之要求爲前提茲有小學生文庫一書係商務印書館最新出版爲小學高年級最適當之讀物其內容以人類全部智識之雛形爲範圍科目齊備材料豐富文字清晰插圖美麗殊足引起兒童閱讀之興味該書共五百冊計一千萬言尤有讀之不窮閱之無盡

教安。

弟凌鵬霄謹啓十一月廿一日

◎贈日用百科全書

煥如學姊惠鑒前承

函約春季來滬一遊，旋聞因事作罷，曷勝悵惘。據蕙妹云，吾

姊主持家政，內外兼顧，於法規上手續上，不能無參考證明之書，以備檢查之用，茲查有日用百科全書，係商務出版，內容豐富，無所不包，此次重編，尤爲美備，實兼有百科辭書及各種年鑑之長，識者指爲應用智識之淵泉，日常生活之顧問，洵非虛語，茲特選購一部，由郵寄上，卽乞

哂存爲荷。專此祇頌

儻安。

妹湘雲手肅 四月廿八日

◎贈地圖

小峯吾兄教席別來兩載，相憶爲勞。吾

兄壹意作首桃李盈門，弟天涯浪迹，乏善足述，近聞

主講地理一科，左史右圖，瞭如指掌，學生傾服，奉爲大師，尤深景仰。此間商務書館
出有最新修訂中國形勢一覽圖、世界形勢一覽圖各一種，內容精審，解說詳明，均
據最新調查所得，重行編繪，採充中學教科及普通參考之用，頗覺相宜，特選購兩
幀，敬以奉貽，由郵寄上，至希
謹收示復爲荷。專此順頌
誨安。

弟邵良佐謹啓九月十日

款接甚感高情並得參觀

貴校童子軍操練氣象森嚴步伐整齊濟濟多士爲國干城。洵堪預祝惟在
貴校課室旁聽時見講授自然衛生徒憑書本學生似覺茫然蓋人體之構造及動
植物之形態即在成人且多茫昧遑論知識初開之兒童乎故標本模型雖不易置
備而各科掛圖取價低廉似不能不廣爲搜羅以便口講指畫而收千聞不如一見
之效茲選購自然科掛圖生理衛生掛圖及教科實用掛圖全套專足送上務請
贊收爲幸專此敬候

教安。

弟祝以湘謹啓二月廿五日

○干城謂能安內而攘外也，公侯干城，見詩經。

二 饋食物類

◎贈酒與春筍

季蓮吾兄左右：多日不見，雅興如何，聞方

肆力撰著，道貌清癯，甚相念也。頃有友自汾陽來，貽酒數罐，出自家釀，蓋二十年前物也，惜弟未嫻風雅，一爵成泥。[○]茲特轉貽

台端，以盡斗酒百篇[○]之興。敝園今春產筍特盛，特令園丁選翦數株，一併奉上，因

憶東坡有詩云：無肉令人瘦，無竹令人俗，妙語解頤，足下誠雅人，弟亦或可免被鄙夫之誚乎？幸賜

哂納，無任榮幸。專此，敬頌

文安。

弟秋濤拜上 三月十二日

一鳴吾兄大鑒天高氣爽，景物宜人，小病初起，散步園中，見籬邊叢菊漸放，知重陽將近也。舍親自蕪湖來貽蟹一簍，數之可兩百只，昨少兄來，曾治以佐餐，味較去歲肥美，本思折柬奉邀，共爲讌集，惟憶袁子才答友書，有移人就蟹一人之食移蟹就人舉家之餐之語，

足下得毋有同感否？特分半數，遺致

郇廚，○想吾

兄素善吟詠，把酒持螯，定能增添新詩資料不少也。此頌

吟安。

弟蘭芳手上十月十二日

○郇廚 唐韋孝文本封郇公，性好奢靡，人入其中，多飽飫而歸，見世說補。

◎贈橘

少雲先生著席霜天風勁，木葉亂飛，散步園中，頗感蕭閒之致。園角有深綠一叢，不凋不落，朱實纍纍，與丹霞相照耀，映射成趣，蓋十年前所種之橘已達成熟時矣。色明而豔，味美而甘，不忍獨享，特奉貽一筐，試一嘗之，當較石榴之酸，黃梅之澀，別饒風味，俾爲吾

兄高吟低諷時，聊佐生津解渴之需，若置之水晶盤中，則如擊碎珊瑚，丹黃錯落，分外豔麗，尤足供頓豁吟眸之用也。至希哂納，不勝大幸。專此敬頌

冬安。

弟軼羣手啓十一月廿七日

◎饋鮮魚

嘯虎吾兄台譽年來

兄爲雲中之鶴，弟如井底之蛙，形迹判然，遂相睽隔，比以盤桓泉石，聊足自娛，鑿

莞納爲幸。專頌

饌安。

弟野耕敬啓三月十六日

○雲鶴井蛙喻地位高下
懸殊也。

◎贈土產

道中吾兄大鑒：自離白下，忽已十年，今春由湘歸來，暫作閒身，頗足自適，內子謂當此秋高氣爽之時，正挈伴清游之會，因買輪東下，直抵金陵，日昨偕訪尊廬，適

台端外出，僅晤嫂夫人，且慰且悵。茲敬奉鄉物兩事，石魚出沙河，○爲故李相邸河中特產，石耳出廬峯懸崖絕壁人跡不到之處，頗不易致，其品質亦較西山黃山所產爲佳，野人來自山中，餽贈仍不脫野氣，得勿

責其儉陋否？一笑卽頌

雙安。

弟坤祥拜啓 九月廿八日

○沙河離九江三十里，爲南潯路
綫經過之所，有火車站。

◎贈雲霧茶

問梅吾兄尊右：今夏亢旱，炎威逼人，每日寒暑表常在百度九十六度之間，實所不耐，乃於前日登廬山，清風徐來，泉聲潺潺，眞清涼世界也。吾

兄方居衙署，理政務，整肅衣冠，接見賓客，能不叫苦歟？山居無事，與一二良朋盤坐石上，呼僮取飛泉，煮佳茗，飲之頓覺胸懷舒暢，獨惜

執事不得與於斯樂也。特選雲霧茶兩盒，乘來人之便，敬以奉貽，此茶產匡廬深處，幽雲四合，煙霧空濛，得山靈之清氣，獨多，煮時縷縷輕煙，繞茶鐺而出，啜之足沁臟

政安

弟文華拜啓七月十五日

◎同學遠行饋送食品

思孟吾姊如晤 蘭妹來舍，得悉吾

姊將有粵東之行，數載以來，頻相過從，甚愜心懷，今忽

遠離，悵悒何似。本思奉約

惠臨小園，聚談竟夕，適聞

行期已近，恐須檢點征裝，未便多擾，茲謹製食品數事，品質則悉投

雅好，烹調則都出自手，舟車寂寞，藉供敲詩品茗之助，雖嫌不腆，聊表微忱，至希
莞納爲幸。專此，順頌

行祺。

妹孫學敏謹上四月十日

◎友人遠歸饋送饌品

玉琳賢妹大鑒：貴介來，知已旋
珂里，一路安吉，大慰大慰，承
賜多珍，尤爲感謝。別來兩載，亟思晤談，適
家母近抱微恙，未便離身，茲謹奉肴饌
四簋，吾

妹久客北方，未嘗鄉味，聊爲
洗塵[○]之助，卽就尊紀之便託其奉獻，似嫌不莊，彌覺抱歉，敬希
惠納，並乞
鑒原，一俟家母告瘥，便當馳赴

尊府，促膝爲竟日談，藉紓彼此結念也，並以奉聞，順頌

三 贈書畫類

◎ 贈妙嚴寺記真蹟

松谷吾弟文几久別甚念聞方

閉戶精研，有董子三年不窺園[○]之志，又有人言

足下羅列碑帖，日夕臨池[○]尤愛趙字，亦韻事也。衍日益頹放，漫游山水，前小駐湖

州，得趙文敏[○]妙嚴寺碑及膽巴碑各一，膽巴骨力蒼健，而妙嚴記於端雅中實含雄逸之氣，亦可寶也，行篋無他物足供雅玩，敬以奉貽，

足下得毋以秀才人情紙半張相誚乎？一笑。手此祇頌

研安。

足下得毋以秀才人情紙半張相誚乎？一笑。手此祇頌

小兄衍九手啓四月七日

○窺園漢董仲舒少治春秋，下帷苦攻，目不窺園者三年。○

雪道人，本宋之宗室，後入元官翰林學士承旨。

○臨池晉王羲之臨池學書，池水盡黑。○

○趙文敏字子昂，號松昂

◎贈黃山谷墨搨

履坦先生著席愧無建白，枉辱

揄揚，迴溯忝居官舍，時聞

足音，明月清風，不愧

高人襟度，弟雖非言偃，○

先生固今之澹臺○也，甚佩甚念。弟謫宦栖遲，僻居山縣，一城坐守，四望峯巒，通人

雅士，過從極稀，殊感悶損，惟山谷道人○爲文學所宗，尤西江詩派之祖，鍾毓之地，

即在是邦，流風餘韻，猶有存者，茲訪得道人手寫幽蘭賦石搨，筆勢飛舞，如天矯龍

裁酌爲幸。專此卽請

文安。

弟大經拜上九月五日

○言偃孔子弟子，姓言，名偃

○澹臺

澹臺滅明武城人，子游宰該邑時，不以私事入公門，論語「非公事未嘗至於偃之室也。」

○山

谷道人

宋黃庭堅字魯直，號山谷道人，詩專學杜甫，爲宋代大家，又善行草書，亦有名於世。

四 贈教育用品類

◎贈風琴

毓秀甥女青覽十年作客，一旦歸來，前過汝家，見吾

甥亭亭玉立，秀外慧中，甚慰甚慰。聞大女云表姊對於音樂興趣甚濃，成績爲一校之冠，惟以家庭無風琴練習爲苦，此次過申，特購風琴一具，卽以爲贈，惟音樂之所關甚大，不僅悅耳娛人已也，蓋琴之爲物，聲入心通，可以變暴厲爲和平，化鄙陋爲

文雅吾

甥能善爲體察之則幸矣。風琴另由商務印書館逕寄

府上，卽希 贈收爲盼。專此順頌

學祺。

舅氏仲明手書三月一日

◎贈自來水筆

雪元吾兄同學大鑒漢上一別，忽已七年，聞

台端進德修業，一日千里，正深景仰，頃 卓賢兄過此，又謂吾

兄肆意著述，偶留連山水，輒有游記詩篇紀載其事，溪頭山麓，筆不停揮，真不愧古
人倚馬之才。尤爲欽佩。茲奉贈自來水筆一枝，俾佐行吟游詠之需，且體質輕靈，
運用簡捷，可以少費腕力，加速時間，既免頻頻蘸墨之勞，更有隱隱生花之妙，吾
手此即願

○倚馬之才謂文思敏捷也，桓宣武北征，袁虎時從，會須露布，即令

○生花開天遺事

筆頭生花，自是才思贍逸。」

○五色筆

謂富於詞藻也，南史江淹少時夢人授五色筆，由是文藻日新，後又夢見其人，以筆還之，自後爲詩，絕無美句。

劍秋吾兄大鑒比聞

足下在校壹意鑽研，孜孜不倦，成績優良，冠絕儕輩，甚爲敬仰。

足下研習理科，以目對鏡，以手繪圖，蓋生物之構造若何？細胞之組織若何？非詳

加窺察，不足以明眞相，徒覺模糊想像而已。茲寄贈顯微鏡一架，藉供

足下家居實習之需，一草一鱗，都收鏡底，繪之圖像，俾資省覽，或亦可爲

足下旁證博引之一助也。專此，即候

興居不一。

◎贈顯微鏡

弟鴻鈞手上二月十五日

現代普通尺牘大全

○細胞爲構成生物體之要素，能見。形甚小

一 復謝類

◎謝祝父壽

漢章吾兄大鑒猥以 家君年逢周甲。遠損
霞牋，並頒

厚禮，甚感甚感。惟 家君素持儉樸，力誠鋪張，意謂國難方殷，亟當修省，何得以個人無謂之事謬爲渲染，並累

親朋，刻已遠游西湖，藉避紛擾，各方餽贈，多已璧還，而

台端所製壽詩，盛唐風格，氣味深醇，書法亦有剛健美秀之致，配架古色斑駁，家君反復摩挲，推爲三絕。^①弟於此道雖少致力，固亦知其瓊奇可寶也。專此申謝，敬

請

著安。

弟奚國華謹上四月五日

○周甲 黃帝之臣大撓作甲子，干支相配，其變六十，謂之六十甲子，每六十年一輪流，周而復始，故周甲卽謂六十年也。

爲博士，嘗自寫其

詩並畫以獻，帝署其尾曰
，鄭虔三絕，見唐書。

◎謝祝母壽

桂芬我姊如握北平之遊，頓成舊夢，昨展
手簡，喜溢眉梢，並辱以家慈六秩生辰，

寵錫禮品，拜登之餘，感荷無似，承

貺繡屏，似係出自

親製，秀潤雄奇，迥異凡品，使妹對之，益覺愧恧。

家慈久客南洋，居恆雅好文藝，手

雙安。

妹友蘭手上八月廿三日

◎謝祝壽

鐵仙先生史席在遠

不遺，頻勞

音問，前以賤辰重邀

厚貺，感愧交并。弟少不努力，老益荒唐，本以迂執，早遭屏棄，況屬樗蒲，何足稱道，放浪於形骸之外，馳驅於塵俗之間，名無所成，業無所就，既負疚於家國，益重愧夫父師，馬齒徒增，忽屆知命，方自責之不遑，更何頌祝之可言乎。惟念

台端關垂之切，期望之殷，

高誼隆情，永矢勿諉，而

詩格之高渾，書法之挺秀，尤在可寶之列。自應益知振奮，毋蹈頹靡，勉副厚愛而已。特佈謝悃，祇候

吟安。

弟翁紹洛上言 九月廿七日

◎謝賀結婚

梯雲同學吾姊大鑒：上月與雪巖結婚，辱承遠致賀函，並賜禮物，慚感無地，吾

姊運生花之筆，莊諧雜出，妙語生香，殊令人忍俊^①。不禁也。妹自前年在京與彼訂婚，曾經聲明須俟畢業後再行婚禮，乃甫逾一載，屢來要求，已由家父允許，未便堅持，實則求學素志，遽遭頓挫，心實怏怏，有何可賀。妹來此雖畫眉^②台畔，不無旖旎之情，而試手廚下，^③實有拮据^④之色，

○忍俊含笑之意，修簫譜傳奇「我忍俊想從前，有這般恩愛，那般愁怨，」故謂忍不住要笑曰忍俊不禁。

○畫眉漢時張敞爲京兆尹，性風流，嘗爲婦畫眉，傳爲韻事。

○廚下唐詩「三日入廚下，洗手作羹湯，未諳姑食性，先

○拮据謂窘迫也，詩經謂予手拮据。」

○謝友爲子作伐

玉泉先生大鑒：吳門一別，倏已五年，雖音訊稀疏，每遇鄉人，輒就謠
佳況，良用欣慰。小兒前蒙

鼎介，得締婚沛國，薦蘿喬木，○殊愧躋攀，此次遣小兒親迎來歸，見其性情溫恭，舉止厚重，殊具大家風範，似亦載福之器。老母見之，欣然色喜，謂

先生確具慧眼，尤感

盛情，將來道經白下，○務乞

辱臨茆舍，小作盤桓，俾敍契闊而伸謝悃，實所感盼。專此，卽頌